

## Plenchi

### **Bèl a bati**

**Tring tringggggg ata bo zonido konosí pa anunsia ku nos tin ku reuni pa sa kiko a pasa siman ku a kaba. Mienras tantu eksamen tambe ta tras di lomba i hóbennan a festehá ku e peso a kita. Kon ku bai bin, maske kon prepará bo ta eksamen final ta trese su tenshon ku né. Pero awor ta di warda resultado. Otro temporada di tenshon. Ma logra, of no? Awor ku eksamen ta trahá kaba no tin mas trabou pa hasi sino di warda resultado. Òf mester ta asina ku e hóben sa kaba ku tin un of mas materia ku e mester drecha su punto. E ora ei e ta tuma un 2 dia di sosiegupa e kuminsá prepará pa su hèr. Tin biaha ta hèr pa e por slag i otro biaha maske el a slag e ke drecha su sifra poko mas.**

**Temporada di tuts a drecha awor pa hobennan ku no ta den eksamen. E wikènt aki ta di kuminsá siña pa otro siman.**

**Ta apenas 4 siman falta pa skol sera. E temporada a bula pasa den un fregá di wowo.**

**Dia di tata ta aserkando i nos a kuminsá pone kuantanan relashoná ku amor di tata for di siman pasá. Tatanan a tuma e ròl di ta amigu i ta duna afekshon i atenshon na nan yunan. Nos ta mira tur dia mas tata ku no ta trese sen so, pero tei pa nan yunan diariamente. Nan ta brasanan, komberá ku nan, sali ku nan i tambe korigí nan ku amor i sabiduria. Korigí guiando nan ku amor i determinashon.**

**Nos ta kontentu di mira e desaroyo ei na bienestar di nos hóbennan.**

## **Riba roster**

**Hóben di st. Antonius school ta hiba ofrenda pa pastor. Un selebrashon pa yama bon bini na La Birgen Maria Auxiliadora.**





**Hóbenan di St. Antonius school a bai kamp ku yufrou Ine. Nan a pasa super dushi.**



**Yufrouw Ine ta wak ku goso kon bon e hóbennan di st. Antonius ta hasi nan tarea.**

## **Den agènda**

**Dianan liber di skol**

- **Fakansi grandi 4 yuli te ku 10 ougustus 2016**

**Konferensha pa personal skolnan katólíko 8 di ougustus 2016**

**Promé dia di skol pa alumnonan ta 11 di ougustus 2016.**

## Riba rapòrt

### St. Margaretha ku su gritu di baha stress despues di EFO



## Mi ta konta

### Tata kumplidó

7 di desèmber 1988 un temblor devastador a mata 25 mil hende na Armenia. Despues di e temblor un tata a kore yega na e skol di su yu. Na su yegada el a topa ku e edifisio no tabatei mas. No tabatin muestra di bida.

Pero e no a bira bèk. Semper el a bisa su yu, “no ta importa kiko, semper mi lo tei pa bo ora bo mester di mi!”

Ni maske kon imposibel tabata mustra, e tata a kuminsa kita blòki i tur opstakulo kaminda el a pensa ku e klas di su yu lo tabata. Mayornan ku a yega ei bou tur tabata grita yorando desesperadamente....”Mi yu, mi yu!.

Algun a bisa e tata pa e stòp di kansa su kurpa buska, paso no por tin hende bibu mas eibou. Pero e tata a kontestá: “Mi a priminti mi yu ku lo mi tei pe tur ora ku e mester di mi. Mi mester sigui koba i buska.”

E tata a sigui traha su so, niun hende tabatin e forsa pa yudé. El a disidi pa su mes ku e mester wak pa e sa si su yu ta bibu of morto. Ku un forsa i determinashon grandi, speransa i perseveransha, e tata a sigui koba 8, 16, 24 te 36 ora largu. Despues di 38 ora el a tende stèm. “Armand!” el a grita. Un stèm a kontestá: “Tata!. Ta ami...Armand!Ma bisa e otro muchanan ku nan

no mester wori, paso di bo ta na bida bo ta salbami i nan tambe ta salba.” Bo a priminti ku semper lo bo tei pa mi. Bo a kumpli tata!”

Djis despues e tata a yuda su yu Armand i 13 hoben mas ku tabata spantá, morto di hamber i di set, sali for di bou di e ruinan. Ora e edifisio a basha aden e hobennan a keda den protehá den un espasio milagrosamente.

Dia a homenagia e tata ku a puntre kiko a pone ku el a persistí den buskeda el a kontestá: “Mi a primintí mi yu ku lo mi tei pe tur ora ku e mester di mi.”

## Un preñchi



**Mama tata ku yu di Soeur Hedwig ta duna fiesta ku la Birgen Maria Auxiliadora**

## Mucha djispou

**Kiko ta e kos mas fastioso ku por pasa un hardinero?**

**E ta haña un yu muhé i ta yame Rosa. Anto algun dia promé ku kasamentu Rosa su kasá ta lague plantá.**